



A Resolución rectoral do 21 de febreiro de 2000 de Matrícula nas Estancias en Farmacia ou Prácticas Tuteladas regula as Estancias dos alumnos da Licenciatura de Farmacia establecendo a súa aplicación a partir do curso 1999/2000.

Os alumnos poden formalizar a matrícula nas Estancias cando realizan a matrícula ordinaria sempre e cando reúnan os requisitos que establecen os propios planos de estudio e maila resolución reguladora das Estancias. Cómpre pois facer unha convocatoria de solicitude das Estancias para tódolos alumnos que pretendan realiza-las no segundo período setembro a marzo, polo que

RESOLVO:

PRIMEIRO.- Convócase ós alumnos matriculados no curso 2001-2002 na Licenciatura de Farmacia para solicita-las Prácticas Tuteladas correspondentes o segundo período setembro 2002 - marzo 2003, ó abeiro do establecido na Resolución Rectoral do 21 de febreiro de 2000.

Excepcionalmente poderán tamén solicita-la realización das prácticas os licenciados polo plano de 1973, sempre e cando existan vacantes trala adxudicación de prazas ós alumnos dos planos renovados.

SEGUNDO.- Os alumnos dos planos de estudio 1994 e 1999 para solicita-la realización das Estancias de Farmacia ou Prácticas tuteladas deberán ter superados ó menos 300 créditos ou 285 créditos respectivamente do seu plano de estudos.

TERCEIRO.- A solicitudes deberán presentarse no impreso que se facilitará ós efectos na **Unidade de Xestión Académica do Campus Sur**, dende o 3 ó 16 de **setembro** do ano que andamos e que figura como ANEXO a esta resolución.

CUARTO.- Nos tres días seguintes ós da elección de localidade, deberá formaliza-la matrícula.

QUINTO.- Os alumnos dos planes de 1994 e 1999, elixirán localidade en función do expediente académico escollendo en primeiro lugar os alumnos coa puntuación máis alta.

Os licenciados do plano de estudos de 1973 elixirán localidade despois de que o fagan os alumnos dos planes de 1994 e 1999, seguindo os criterios académicos acordados pola Comisión Mixta de Prácticas Tuteladas, en función do expediente académico escollendo os alumnos coa puntuación mais alta.

SEXTO.- As datas e mailo lugar para a elección de localidade será comunicado polo Decanato da Facultade mediante a correspondente publicación no taboleiro de anuncios, así como o listado de Oficinas de Farmacia e Farmacias de Hospital que se ofertarán para a realización das prácticas.



UNIVERSIDADE DE SANTIAGO DE COMPOSTELA

SÉTIMO.- Liquidación de prezos públicos: Os alumnos dos planos renovados liquidarán os 15 créditos conforme o prezo que fixa para o presente curso académico 2001/2002 o Decreto da Xunta para estudos experimentais dos planos renovados.

Os alumnos do plan de 1973 farán a liquidación como unha materia solta cuadrimestral dun curso de sete materias.

Tódolos alumnos disfrutarán dos mesmos beneficios e exencións na matrícula das prácticas tuteladas que nas demais materias da titulación.

Santiago de Compostela, 30 de xullo de 2002

O RECTOR,



Senén Barro Ameneiro

SR. SECRETARIO XERAL - SR. VICERRECTOR DE ORGANIZACIÓN ACADÉMICA E PROFESORADO - SRA. DECANO DA FACULTADE DE FARMACIA - SRA. XEFE DO SERVICIO DE XESTIÓN ACADÉMICA - SR. XEFE DOS SERVICIOS INFORMÁTICOS - SR. DIRECTOR DO C.O.I.E. - SR. XEFE DO SERVICIO DA ASESORÍA XURÍDICA - SR. XEFE DA UNIDADE DE XESTIÓN ACADÉMICA DO CAMPUS SUR



**UNIVERSIDADE DE
SANTIAGO DE COMPOSTELA**

Don/Dona _____
Apelidos Nome

e con D.N.I. núm. _____

Enderezo durante o curso:

_____ Rúa Localidade Teléfono

Enderezo Familiar:

_____ Rúa Localidade Teléfono

Alumno do Plano _____ Curso _____

ESPECIFICAR MATERIAS DAS QUE REALIZARÁN EXAME NA ACTUAL CONVOCATORIA DE FIN DE CARREIRA OU FEBREIRO.

Solicita:

Ser admitido/a para a realización de Prácticas Tuteladas de acordo coa normativa establecida no convenio asinado pola Universidade de Santiago de Compostela e os Colexios Oficiais de Farmacéuticos e o SERGAS, no período de _____ a _____

Santiago de Compostela, a _____ de _____ de 2002
(sinatura)